

## Script of Evening Gojri News Bulletin 24 July 2024 at 1700 Hrs

ایوننگ گو جری نیوز بلیٹن مورخہ 24 جولائی 2024

\*\*\*\*\*

یوہ آکا شوانی جموں بے محمد مبارک ماہر تے طارق ابرار تیں خبر سنو۔ پہلاں خاص  
خاص خبر۔

\*\*\*\*\*

- \*1. داخلہ امور غا وزیر مملکت نتیا نند رائے نے کہیو ہے جے اس سال جون مہینہ توڑی  
1 کروڑ تیں متا سیلانیوں نے جموں کشمیر غو دورو کیو ہے۔
- \*2. شمالی کشمیر غا کپواڑہ ضلع مانہہ گذشتہ رات اک ٹاکرہ مانہہ اک غیر شناخت شدہ  
دہشت گرد ہلاک اور اک جوان شہید ہو گیو ہے۔
- \*3. لیفٹنٹ گورنر منوج سنہا نے کہیو ہے جے جموں کشمیر مانہہ آئندہ کجھ مہیناں غے  
دوران معمول ور آجا نیں گا۔
- \*4. تے چیف سیکریٹری اتل ڈلو نے تمام نواں میڈیکل کالجاں مانہہ چل رہیا اہم ڈھانچہ  
منصوباں غو جائزو لیتاں واں انتہا نی نگہداشت یونٹ قائم کرن غی ہدایات یونٹ قائم کرن  
غی ہدایات دتی ہیں۔

\*\*\*\*\*

خبراں غی تفصیل نال پہلاں محمد مبارک ماہر۔

### Toursim JK

وزیر مملکت برائے داخلہ امور نتیا نند رائے نے اج راجیہ سبھا مانہہ سوالاں گا دور غے  
دوران دسیو کہ جموں کشمیر مانہہ دفعہ 370 غی منسوخی تیں بعد سیا حت شعبہ مانہہ کافی  
بادو ہووے ہے۔ اُن نے دسیو جے پچھلے سال جموں کشمیر مانہہ 2 کروڑ 11 لکھ تیں متا  
سیلانیوں نے دورو لایو تھو جد کہ رواں بہرے جون مہینہ تک 1 کروڑ 8 لکھ تیں متا سیلانی  
علاقہ غی سیر کر چکا ہیں۔ دہشت گردی با رے گل کرتاں واں اُن نے کہیو کہ وزیر اعظم  
نریندر مودی غی دہشت گردی مخالف بالکل نہ برداشت پالیسی ہے اور حال ہی مانہہ 2 دہشت  
گرداں نانہہ مار مکایو گیو ہے۔ اُن نے دسیو جے سال 2004 تیں لے غے سال 2014 تک  
7 ہزار 2 سو 17 دہشت گردانہ واقعہ پیش آیا ہیں جد کہ سال 2014 تیں رواں سال جون مہینہ  
تک 2 ہزار 2 سو معاملہ واقع ہوا ہیں۔ جموں کشمیر مانہہ ترقی با رے گل کرتاں واں مذکورہ  
وزیر نے کہیو کہ جموں کشمیر مانہہ 15 وزارتیاں تیں 58 ہزار 4 سو 77 کروڑ روپیاں غی  
مالی لاگت آلا 53 ترقیاتی منصوباں ور کم جا ری ہے۔ جن وچوں 35 یاں ور کم مکمل ہون  
غے نیڑے ہے۔ اُن نے دسیو جے ان پروجیکٹاں مانہہ بجلی، صحت، تعلیم، سیاحت تے ہنر  
ترقیات وی شامل ہیں۔ وزیر مملکت نے دسیو کہ ایمز، آئی آئی ٹی، آئی آئی ایم، قاضی گنڈ،  
بانہال تے چینی نا شری جیسا پروجیکٹ ترقی غا نواں دور غی مثال ہیں۔

\*\*\*\*\*

### Kupwara Encounter

شمالی کشمیر غا ضلع کپواڑہ مانہہ گذشتہ رات فوجی دستاں تے دہشت گرداں بشکار اک  
ٹاکرا غے دوران اک نامعلوم دہشت گرد ہلاک جد کہ اک فوجی جوان شہید ہو گیو ہے۔ ذریعاں  
غے مطابق مذکورہ ضلع غا لولاب علاقہ مانہہ کجھ تہاڑا پہلاں دہشت گرداں غی نقل و  
حرکت با رے سولمن ور فوج تے پولیس نے دہشت گردی مخالف اک کا روائی مہم شروع کی  
تھی۔ جس کا نتیجہ مانہہ گذشتہ روز حفاظتی دستاں نانہہ چھپیا واہ دہشت گرداں تک رسائی  
ہوئی اور یاہ رسائی ٹاکرا غی صورت اختیار کر گئی۔ ایک ”ایکس“ پوسٹ مانہہ سرینگر غی

چنار کور نے دسیو بے کہ کپواڑہ غا عامہ علاقہ کو وت کپواڑہ مانہہ دبشت گردان غی موجو دگی بارے سؤملن تیں بعد بھارتی فوج تے جموں کشمیر پولیس نے 23 جولائی نانہہ اک سانجھی تلاشی کا روانی شروع کی۔ اس دوران دبشت گردان نے حفاظتی دستاں ور بلا اشتعال گولی باری شروع کر دتی جھپڑی اک ٹاکرہ غی شکل اختیار کر گئی۔ مذکورہ ٹاکرا غے دوران اک دبشت گرد نانہہ مار دتو گیو جد کہ اک این سی او زخمی ہو گیو۔ ذریعاں غے مطابق زخمی این سی او زخماں غی درد برداشت نہ کرتاں واں اپنی جان گنوا بیٹھو۔ مذکورہ ٹاکرا غی کاروانی اجوں جاری ہے۔

\*\*\*\*\*

### LG Situation JK

لیفٹنٹ گورنر منوج سنہا نے کہیو ہے کہ جموں کشمیر مانہہ صورتحال کجھ مہیناں غے اندر معمول ور آجا ئے گی۔ کیونجے غیر معمولی عناصر نانہہ مناسب جواب دتو جا ئے گو۔ جھپڑا ات غا پُرامن فضا نانہہ بضم نہیں کر سکتا۔ انہاں نانہہ اپنا انجام واسطے تیار رہنو چاہیے۔ ایل جی موصوف نے نامہ نگاراں سنگ گل کرتاں واں کہیو کہ اس طرح غا لوکاں نانہہ بمنے پہلاں وی جواب دتو ہے۔ واضع رہ جے خطہ جموں مانہہ پچھلا کجھ مہیناں غے دوران عسکریت پسندی بارے تشدد مانہہ بابدو دین مانہہ آيو ہے۔ لیفٹنٹ گورنر نے مرکزی بجٹ غو خیرمقدم کرتاں واں اس نانہہ تاریخی قرار دتو۔ اُن نے کہیو کہ ہوں پارلیمان مانہہ تاریخی بجٹ پیش کرن غا سلسلہ مانہہ وزیر اعظم تے وزیر خزانہ غو شکریو ادا کرنو چاہوں۔ اُن نے کہیو کہ مینا لگے کہ یوہ اک ترقی یافتہ بندوستان تے اس غے نال نال اک ترقی یافتہ جموں کشمیر غی مضبوط بنیاں د رکھے غو۔ ایل جی موصوف نے کہیو کہ کسان، نوجوان، خواتین تے غریب سرکار غی بنیا دی توجہ ہیں۔ اُن نے مزید کہیو کہ وزیر خزانہ نے جموں کشمیر غی مجموعی ترقی واسطے اک آزادانہ رقم دتی ہے۔

\*\*\*\*\*

### LG Marathon

جموں کشمیر غا لیفٹنٹ گورنر منوج سنہا نے 20 اکتوبر تیں سرینگر مانہہ شروع ہون آلی میراتھن واسطے ویب سائٹ اور ”لوگو“ غو اجراء کر دتو ہے۔ اس میراتھن غو اہتمام محکمہ سیل سفاح غی طرفوں کیو جا رہیو ہے۔ لیفٹنٹ گورنر نے اندراج واسطے ویب سائٹ غو وی اجراء کیویاہ سرینگر مانہہ شروع ہون آلی 22 اور 20 کلو میٹر غی پہلی میراتھن وے گی۔ جھپڑی 20 اکتوبر نانہہ شروع وے گی۔ لیفٹنٹ گورنر نے کہیو جے یاہ اک منفرد میراتھن ہے۔ جس مانہہ مُلک غی ترقی غی جھلک نظر آوے گی۔ ایل جی موصوف نے کہیو جے اس میراتھن مانہہ نہ صرف وادی کشمیر بلکہ پورا مُلک تیں ہزاراں لوگ حصو لیں گا۔ اس بارے ایل جی موصوف نے اس طرح کہیو۔۔۔ بائٹ۔۔۔

\*\*\*\*\*

### Div Com MMJHS

خطانی کمشنر جموں رامیش کمار جھپڑا مبارک منڈی جموں بیریشیج سو سانیٹی غا چیرمین وی ہیں نے گذشتہ روز اک بیٹھک غی صدارت کرتاں واں مبارک منڈی غی تزنین، آرائش تے تحفظ بارے اہم منصوباں ور تبادلہ خیال کیو۔ مذکورہ بیٹھک غے دوران رام سنگھ غی رانیاں غا محل تے دربار ہال غا تحفظ جیسا منصوباں غے نال نال ڈوگرہ میوزم غی حفاظت ور اہم پیشرفت تے 75 فیصد کم غی تکمیل بارے وی دسیو بھالیو گیو۔ اس موقعہ ور خطانی کمشنر جموں نے جموں کشمیر غی ڈھانچاں بارے ترقیاتی مالی کارپوریشن لمیٹڈ (جے کے آئی ڈی ایف سی) غے تحت باقی رہتا کمان نانہہ ویلے سرے نمژن ور زور

دو خطائی کمشنر نے پا رکینگ غی سہولت غی تعمیر زرنین واسطے اک کیفے نانہ فعال کرن تے نال ہی سی ایس آر غے تحت مبارک منڈی کمپلیکس مانہ جہیڑی سرگرمی اور منصوبہ عمل مانہ لایا جا سکین اُنکی نشاندہی واسطے اک کمیٹی تشکیل دین با رے وی ہدایت دتی۔ اس تیں علا وہ ہیریٹیج کمپلیکس غے نیڑے پہاڑی ڈھلاناں غی تعمیر اور مضبوطی غا سلسلہ مانہ اک ماہر ایجنسی غی تقرری ور وی گل بات ہوئی۔

\*\*\*\*\*

## Swacchta Pakhwada

صفائی ستھرائی نانہ بابدو دین غی خاطر جموں کشمیر مانہ یکم اگست تیں 15 اگست 2024 توڑی دو ہفتاں غو سوچھتا پکھواڑہ غو اہتمام کیو جا نے گو۔ جس مانہ متا تیں متا لوکاں غی شرکت نانہ یقینی بنایو جا نے گو۔ اس سلسلہ مانہ جموں کشمیر غا لیفٹنٹ گورنر منوج سنہا نے محکمہ دیہی ترقی تے پنچایتی راج نانہ ضلع انتظامیہ غا تعاون سنگ صفائی ستھرائی بارے بیداری پروگرام منعقد کران غی ہدایت جاری کی ہیں۔ محکمہ گرائین ترقی تے پنچایتی راج غا سیکریٹری ڈاکٹر شاہد اقبال چودھری نے جا تے روز ضلع تے بلاک سطح غا افسران سنگ اک میٹنگ منعقد کر غے سوچھتا پکھواڑہ غی سرگرمیاں بارے لائحہ عمل ور تبادلہ خیال کیو۔ ڈاکٹر شاہد اقبال نے سائنسی ویسٹ منیجمنٹ، بہترین صفائی سرگرمیاں، صحت صفائی نانہ بابدو دین واسطے سماجی اور ادارہ جاتی سطح ور لوکاں غی متی تیں متی شمولیت یقینی بنان غی ہدایت جاری کیں۔ ان دو ہفتاں غے دوران لوکاں نانہ بیدار کیو جا نے گو۔ اور سوچھتا پکھواڑہ غی سرگرمیاں صوبائی، ضلع اور بلاک سطح ور افتتاحی پروگرام، عوامی سیل سفاح آلی جگہاں ور صفائی ستھرائی غی مشق، کوڑا کرکٹ نانہ ٹھکانے لان غی جانکاری سمیت بکھ بکھ بیداری بیداری پروگرام شامل وین گا۔

\*\*\*\*\*

## India UK

برطانیہ غا خارجہ سیکریٹری ڈیوڈ لیمی اپنا عہدہ غی ذمہ داری سنبھال تیں بعد اپنا پہلا سرکاری دورہ ور بھارت پُج گیا ہیں۔ خارجہ امور غی وزارت گا ترجمان رندھیر جیسوال نے نویں دہلی مانہ لیمی غو استقبال کیو۔ وے شروعاتی طور ور مربوط حکمت عملی شراکتداری غی مضبوطی تے بھارت برطانیہ آزاد تجارتی معاہدہ بارے گل بات کریں گا۔ یوہ برطانیہ غا وزیر اعظم سٹارمر غی سرپرستی مانہ لیبر پارٹی غی سرکار غا قیام تیں بعد لندن تیں بھارت آن آلو اعلیٰ سطح غا وفد غو پہلو دورو ہے۔ برطانوی خارجہ سیکریٹری لیمی اج شام خارجہ امور غا وزیر ایس جنے شنکر سنگ وی ملاقات کریں گا۔

\*\*\*\*\*

یہ خبر تم آکا شوانی جموں تیں سن ریا ہیں خبراں غا باقی حصہ نال طارق اہرار۔

## CS ICUs

چیف سیکریٹری اتل ڈلو نے جا تے روز میڈیکل کالجاں غا کم کاج تے جا ری ڈھانچہ منصوباں غو جائزو لیتاں واں یوٹی پھر مانہ قائم ہوا نواں میڈیکل کالجاں مانہ انتہائی نگہداشت یونٹاں گا قیام ور زور دتو۔ چیف سیکریٹری موصوف نے ان میڈیکل کالجاں مانہ دتی جا رہی اہم خدمات غو جائزو لیو۔ انہاں نے ان طبی اداراں مانہ نواں شروع کیا گیا نواں ٹیسٹاں بارے جانکاری حاصل کی۔ اس تیں علا وہ ڈاکٹراں غی طرفوں استعمال مانہ لایا جا رہا منفرد طریقہ کاراں بارے وی پُچھیو پالیو۔ چیف سیکریٹری نے میڈیکل کالجاں گا

پرنسپل اور زور دتو جے وے خدمات مانہ بہتری لیاویں تا نجے مریضان نانہ دوجی جگہ منتقل کرن غی ضرورت پیش نہ آوے۔ اتل ڈلو نے متعلقہ محکمہ نانہ ہدایت جا ری کیں جے میڈیکل کالج مانہ افرادی قوت اور وسائل غا موثر استعمال واسطیخاص طریقہ کاراں غی نشاندہی غی خاطر ماہرین غو ایک پینل تیار کیو جا نے۔

\*\*\*\*\*

### LS Budget Discussion

لوک سبھا مانہ مرکزی بجٹ 25/2024 ور بحث ہون غے نال نال جموں کشمیر غا بجٹ ور وی بحث چل رہی ہے۔ کانگریس غی کماری سلیجا نے بحث شروع کرتاں واں ملک مانہ بدھ رہی ہے روز گاری غو مسئلو چایو۔ انہاں نے سوال کیو جے سرکار مرکزی محکماں مانہ آسامیوں کیوں پر نہیں کر رہی ہے۔ کانگریس لیڈر نے ہریانہ مانہ بے روزگاری غو مسئلو وی چایو۔ انہاں نے اگنی ویر اسکیم نانہ وی تنقید غو نشانو بناویو۔ اجاں بجٹ ور بحث جاری ہے۔

\*\*\*\*\*

### Govt Cancer Medicine

سرکار نے کینسر مرض غی ادویات غی آسان دستیابی غی خاطر ادویات نانہ کسٹم ڈیوٹی تیں مُستسنی رکھن غو فیصلو لیاو ہے۔ اس غو اعلان گذشتہ روز مرکزی وزیر خزانہ نرملا سیتھا رمن نے مرکزی بجٹ 25/2024 نانہ پیش کرتاں واں کہیو کہ کینسر مرض غا علاج واسطے استعمال ہون آلی 3 ادویات نانہ کسٹم ڈیوٹی تیں مُستسنی رکھیو گیو ہے۔ وزارت صحت نے کہیو ہے جے سرکار غا اس فیصلہ سنگ ملک غا 27 لکھ کینسر مریض مستفید وین گا۔ وزیر صحت نے کہیو جے ایکسرے، ٹیوب اور فلیٹ پینل ڈیٹیکٹر غی کسٹم ڈیوٹی ور نظر ثانی کی گئی ہے۔

\*\*\*\*\*

### Meghwal Budget

قانون تے انصاف غا وزیر ارجن رام میگھوال نے کہیو ہے کہ مجوزہ مرکزی بجٹ 25/2024 تیں سماج غا ہر طبقہ نانہ فاندو پہنچا غے اک ترقی یافتہ بھارت غی راہ ہموار وے گی۔ یاہ گل ان نے اج نوین دہلی مانہ اک ویبنار سنگ خطاب کرتاں واں کہی۔ ان نے اس گل ور زور دتو کہ اس بجٹ نانہ وکست بھارت 2047 غا نقطہ نظر نال دیکھیو جانو چاہیے۔ جس غو مقصد ہر کسی نانہ آسانی تے ویلہ ور انصاف ملنو ہے۔ ان نے کہیو جے ویبنار مانہ انصاف غی فراہمی نانہ مضبوط بنان با رے بکھ بکھ پہلوں جس طرح کہ عدالتی ڈھانچہ تے بجٹ غا خرچاں ور تفصیلی گل بات کی گئی ہے۔ وزیر موصوف نے کہیو کہ وزیر خزانہ نرملا سیتھا رمن غے ذریعے پیش کردہ مرکزی بجٹ مشمولہ ترقی نانہ یقینی بناوے۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔